



Uunga: Aatsitassanut Ikummatissanullu

Aqutsisoqarfik

[mlsa@nanog.gl](mailto:mlsa@nanog.gl)

Ulloq/Dato: 06-10-2014

J.nr. 74.02.K04.30.14

## **TOR<sup>1</sup>-imut oqaaseqaatit Kuvannersuarni suliniummi VVM<sup>2</sup>-imut aamma VSB<sup>3</sup>-mut akuersissummut 2010/02-mut tunngatillugu.**

KANUKOKA-p aallaqqaasiullugu ilalersussavaa inatsisinik allannguinnikkut kingullikkut periarfissaalermat VVM-imut aamma VSB-mut tunngasunik misissuineranut tunngatillugu TOR-imut oqaaseqaateqarsinnaaneq. Tamanna KANUKOKA-p isumaa naapertorlugu innuttaasut aatsitasarsiornerni suliniutinut akulerunneqarsinnaanerannut pitsanngoriaataavoq malunnaatilik.

KANUKOKA-p pappialaatit nassiunneqartut misissuataarsimavai, imaattunillu oqaaseqaateqassalluni:

### **VVM-imut (Avatangiisinut tunngasunik nalilersuinerit):**

Qup. 17: Imikoorutip nakkutigineqarneranut atatillugu mingutitsinermut killiliussat atuuttut innersuunneqassapput. Imikoorut akuutissanik sunik imaqarnerseq ersinngilaq, kisiannili arlallitsigut akuutissat annertussuserisinnaasaat pillugu kalaallit malittarisassaqaanngimmata VVM-i imaqartariaqarpoq nunarsuarmioqatigiit akuutissanut atorneqarsinnaasunut killiliussaannik tamatumunnga naleqquttunik, kiisalu suliniummi matumani killiliussat qanoq ittut malinneqartariaqarnerannik.

Qup. 18: Egitserinissamat periarfissatut siunnersuutigineqartut avatangiisinut kingunerisinnaasaat naligiimmik qaammarsaavigineqartariaqarput, taamaasiornikkut tamakkiisumik ersersaavigineqarsimasumik aalajangertoqarsinnaaqullugu.

Qup. 23: Ajornartorsiutit tamatigoortut ataatsimut takussutissiarineqarneranni maqaasineqarpoq silaannaat silaannartap kissatsikkiartorneranut annertusaataasinnaasut kingunerisinnaasaasa suussusilersorneqarnerat, tamatumani aamma ilanngullugit suliniutit allat kingunerisaannik avatangiisinut sunniutaasut, soorlu innaallagissiorneq aamma assartuineq, qaarusummiit qaarusummu-llu.

Nioqqutissianik qaarusummiit nunarsuarmit niuerfiinut assartuineq suliniummi tamakkiisumi ilaalluinnartuuvoq. VVM-imik misissuinermit taamaattumik aamma nioqqutissianik aatsitassarsiorfimmitt kalaallit imartaasigut niuerfissanut assartuineq ilaatinneqartariaqarpoq.

Qup. 32: Misissuinissat pilersaarutigineqartut allaaserineqarneranni misissuinissami annertussutit amigaatigineqarput, misissuiffissat amerlassusii, akuttussusii, annertussusii sivilissusii il.il.

<sup>1</sup> Terms of Reference (Pappialaat misissuinerup sunik imaqarneranik imalik)

<sup>2</sup> Avatangiisinut sunniutissat pillugit naliliineq - VVM

<sup>3</sup> Inuiaqatigiinnut oqimaqatigiissumik sunniutissai pillugit naliliineq - VSB

## **Ataatsimut oqaaseqaatit**

*-inaarutaasumik pappialaammi iluarsiivigineqartariaqartut*

Qup. 3, immikkoortoq 4: Inuussutissarsiornermut Aatsitassarsiornermullu Naalakkersuisoqarfik ministeriaqarfiunngilaq – oqaaseqaatip matuma assinga pappialaammi tamarmi matuma assingitut atuupput.

Qup. 4 immikkoortoq 1.3 (i.il.) danskisut Workshop qasseersiutinngorlugu taasarpaat workshopper (takuuk nudansk ordbogi).

Qup. 12: Politikkikkut pissutsit allaaserineqarnerat – minnerunngitsumik Kalaallit Nunaata dan-skit naalagaaffeqatigiinnermi oqartussaasuinut attaveqarnera ersernerluppallaartumik allaaseri-neqarsimavoq. Kommune Kujallermiit oqaasertaliineq innersuunneqassaaq.

Assiliartanut ataatsimut oqaaseqaat: Assiliartaliussat ersernerluppallaqaat – amerlasuutigut ajornavittarpoq imaluunniit ajornakusoortarluni oqaasertaasut atuarniarnerat, paasissutissat prin-terneqaraangata. Nassuiaasiat tamakkiisuunngillat.

### **VSU-mut (Inuiaqatigiinnut sunniutaanik naliliinerit):**

Pingaarnertut KANUKOKA isumaqarpoq aatsitassarsiornermi suliniutit matumatut annertus-suseqartut kommuninut tamanut annertuumik soqutiginaateqartut, taamaattumillu tusarniaaner-mik ingerlatsinermi kommunit annertunerusumik akulerunneqartassasut. Suliniutit taamatut an-nertussuseqartut innuttaasut nunassittarnerannut suliffeqarnermullu kommunip ingerlatsiviusup killeqarfii qaangerujussuarlugit sunniuteqartarput.


Maqaasineqarput suliniutip suliffeqarnermut annertusiartortumik sunniutissaanik nalilersuinerit, aatsitassarsiorfinnut allanut, sanaartukkanut allanut soorlu Qaqortumi timmisartunut mittarfili-ornermut aamma inuussutissarsiutinut ineriartorfiusunut sunniutissaanik nalilersuinerit.


VSU TOR-imi ersippoq ernup nukinganiit innaallagissiorneq "kingusinnerusukku" aatsaat tak-kutissasoq, aallaqqaammullu dieselimik innaallagissiuqarneq atorneqassasoq, tassani amigaa-taavoq nassuiaat, soq aallaqqaataaniilli suliniut taanna aallartinneqariissannginnersoq pillugu.

Sulisartut nunanit allaneersut nunassittarnerannut tunngasunik ersarinnerusunik misissuinerit maqaasineqarput, minnerunngitsumik suliniutip ingerlatsinermiinnerani. Naatsorsuutigineqarpoq sulisuusussat ilaat sumiiffimmi pineqartumi nunassittarnissaat, aammalu sulisuulersussani amer-langaatsiartut kommunimut nunassittarnissaat.

KANUKOKA-p qilanaaraa avatangiisinut aamma inuiaqatigiinnut sunniutaasussat pillugit nas-suiaasiat suliniummut atatillugu inaarutaasumik suliarineqartussat tigusissaat.

### **Inussiarnersumik inuulluaqqusilluta**

  
**Martha Abelsen**  
Siulittaasoq / Formand

  
**Hans-Peder Barlach Christensen**  
Pisortaq / Direktør